









尺牘雋言序

夫望洋向若湍轉則日月似
驚浪動則星河如覆此滄海
之鉅觀哉要以天一之體何
論委輸何論交流總之含形
內虛居有用玄會心處不必

遠倚杖聽田間水聲久足時
剖胸襟一洗荊棘故鴻濛橐
籥囊括洪纖洞蓋軫之真元
搜酉陽之秘藏溫思屬詞連
篇累章固足以陶鑄二儀暉
麗萬有至於宣懷吐臆傷離

道故清言則為標玉映莊語
則意氣霜烈夫安見尺一之
牘不足總千古之菁英挾萬
品之情態乎哉景周輯尺牘
雋言率自宋元以上然亦足
以證今曩之變矣夫氣以才

成語緣情異大都默喻於天
真之自注故曰噓應籟肖於
谷響殊世不靳抒衷而務摹
境夫假象太過則與類相違
點染太工則與情多悖今曩
之不相及蓋有以乎累周意

蓋深遠矣

清源古山居士陳玉輝言



尺牘雋言卷之一

閩莆陳臣忠景周甫輯

吳興閔邁德日斯甫校

列國

答趙簡子

在本去趙適齊簡子以書招之

趙程本

秀而葩

主君之亾臣某。不能束修。越在諸侯。以爲主君憂。臣聞之物。局於所甘。士局於所守。主君之亾臣不佞。而有四方之志。其敢以爲執事者之所辱。夫丘陵崇而穴成於上。狐狸藏矣。谿谷深而淵成於下。魚鼈安矣。松柏茂而陰成於林。塗之人則蔭矣。主君之亾臣不

八片集言 卷一
佞實有隱衷。惟執事者昭明其所存。如日月之升。以
光燭於晉國。將四海之士。重繭狎至。以承主君之令。
聞夫豈惟亾臣。亾臣雖復野歿。以寘溝壑。其敢忘主
君之賜。惟執事者財幸焉。

遺魏公子印書

衛公孫鞅

秦孝公使鞅將而伐魏。魏使公子卬將而擊
之。鞅遺卬書。卬以爲然。會盟。已飲。鞅伏甲襲
虜。印破其軍。

吾始與公子驩。今俱爲兩國將。不忍相攻。可與公子
面相見。盟樂飲而罷兵。以安社稷。

名言

與張儀蘇秦

鬼谷子

二足下功名赫赫。但春華至秋。不得久茂。今二子好朝露之榮。忽長久之功。輕喬松之永延。貴一旦之浮爵。夫女愛不極。席男懽不畢。輪痛哉。

答桑轡

涓子

吾子來問云。有歿亾而復有神仙者。事兩耶。子不知乎。言故可兩有耳。草木皆春生。秋落必矣。而有松柏之倫。芝英萍實。黃精白苻。竹翼戒火。長生不歿者。何怪乎仙耶。

奇壯之語

報鬼谷師

蘇秦

秦學道十年。去而擊劍。貂衣黧黑。此心未灰。竊慕古賢周游列國。慄慄有負于明時也。

與張儀

蘇秦

大丈夫取功名。豈必需人而立。鷹隼舉翮。風雲自生。何至作鷦鷯尾。向人憐也。竊爲足下羞之。

遺楚懷王

秦昭王

始寡人與王約爲兄弟。盟于黃棘。太子爲質。至驩也。太子陵殺寡人之重臣。不謝而亾去。寡人誠不勝怒。

使兵侵君王之邊。今聞君王乃令太子質于齊以求平。寡人與楚接境壤界。故爲婚姻。所從相親久矣。而今秦楚不驩。則無以令諸侯。寡人願與君王會武關。面相約結盟而去。寡人之願也。敢以聞下執事。

遺趙平原君趙勝

秦昭王

魏齊相魏時以須賈言范雎使齊受牛酒持魏國陰事告齊使舍火咎擊雎雎佯死因王稽入秦昭王以爲相封侯魏齊恐亡走趙匿平原君所昭王欲爲雎報讐乃詳爲好書遺平原君

寡人聞君之高義。願與君爲布衣之友。君幸過寡人。

寡人願與君爲十日之飲。

謝孟嘗君

齊閔王

閔王使孟嘗君就國於薛馮驩說梁王遣使往聘孟嘗君齊王聞之恐懼遺書謝之

寡人不祥被於宗廟之崇沈於諂諛之臣開臯於君寡人不足爲也願君顧先王之宗廟姑反國統萬人乎。

與樂毅

燕惠王

先王舉國而委將軍將軍爲燕破齊報先王之讐天下莫不震動寡人豈敢一日而忘將軍之功哉會先

回護得好

王棄羣臣寡人新卽位。左右誤寡人。寡人之使騎劫代將軍爲將軍。久暴露于外。故召將軍且休計事。將軍過聽。以與寡人有郤。遂捐燕而歸趙。將軍自爲計。則可矣。而亦何以報先王之所以遇將軍之意乎。

獻魏安釐王

魏范痤

臣聞趙王以百里之地。請殺痤之身。夫殺無罪范痤。薄故也。而得百里之地。大利也。臣竊爲大王美之。雖然。而有一焉。百里之地不可得。而死者不可復生也。則王必爲天下笑矣。臣竊以爲與其以死入市。不若

醒警

以生人市便也。

遺信陵君無忌

范痤

夫趙魏敵戰之國也。趙王以咫尺之書來。而魏王輕爲之殺無罪之痤。痤雖不肖。故魏之免相也。嘗以魏之故得罪于趙。然今能守魏者莫如君矣。王聽趙殺痤之後。強秦襲趙之欲。倍趙之割。則君將何以止之。此君之累也。

與蔡澤

唐舉

四時之序。成功者退。君幸以秦國之重。建高世之烈。

游客布衣莫不聞焉。有如檐簦而至。秦王一旦而改
慮。改聽焉。足下之事去矣。天道惡盈而好謙。可不信
然。

與麴武

燕太子丹

秦王反戾天常。虎狼其行。遇丹無禮。諸侯最甚。每念
之。痛入骨髓。計燕國之衆。不能敵之。欲收天下勇士。
重幣甘辭。以市於秦。秦貪我賂。而信我辭。則一劍之
任。當千萬之師。須臾之間。可解丹萬世之恥。若其不
然。令丹生無日於天地。死懷恨於九泉。必令諸侯無

以爲歎。易水之北。未知誰有。此蓋抑亦大夫恥也。

秦

與燕太子丹

始皇帝

子欲歸。使日再中。天雨粟。令烏頭白馬生角。厨門木
象生肉足。

遺章邯

陳餘

邯爲秦將秦軍數却二世使人讓邯邯恐使
司馬欣請事咸陽留司馬門三日趙高不見
欣至軍報餘遺邯
書邯遂與楚約降

白起爲秦將南征鄢郢北阬馬服攻城略地不可勝

勳章部

計而竟賜死。蒙恬爲秦將，北伐戎人，開榆中地數千里，竟斬陽周。何者？功多秦不能盡封，因以法誅之。今將軍爲秦將二歲矣，所亡失以十萬數，而諸侯並起，滋益多。彼趙高素諛日久，念事急亦恐二世誅之，故欲以法誅將軍，以塞質，使人更代將軍，以脫其禍。夫將軍居外久，多內却，有功亦誅，無功亦誅，將軍何不還兵與諸侯爲從，南面稱孤，孰與身伏鈇質，妻子爲僇乎？

尺牘集言卷之二

尺牘雋言卷之二

閩莆陳臣忠景周甫輯 吳興閔邁德日斯甫校

漢

手勅太子

高帝

帝真善讀

書

驕惰子弟

各書一通

吾遭亂世。當秦禁學。自喜謂讀書無益。洎踐祚以來。時方省書。乃使人知作者之意。追思昔所行多不是。又

吾生不學書。但讀書問字而遂知耳。以此故不大工。然亦足自辭解。今視汝書。猶不如我。汝可勤學習。每

上疏宜自書勿使人也

又

真懇
不妨情至
吾得疾遂困以如意母子相累其餘諸兒皆自足立
哀此兒猶小也

遺單于

文帝

大哉王言
今天下大安萬民熙熙獨朕與單于爲之父母朕追
念前事薄物細故謀臣計失皆不足以離昆弟之驩
朕與單于俱去前事朕釋逃虜民單于母言章尼等
和親之後漢過不先單于其察之

賜鼂錯

文帝

皇帝問太子家令上書言兵體三章聞之書言狂夫之言而明主擇焉今則不然言者不狂而擇者不明國之大患故在于此使夫不明擇于不狂是以萬聽而萬不當也

報公孫弘

武帝

君不幸罹霜露之病何恙不已廼上書歸侯乞骸骨是章朕之不德也今事少閒君其省思慮一精神輔以醫藥

賜丞相劉屈氂

武帝

戾太子爲江充所譖將收捕充長安擾亂言
太子反上賜丞相璽書與太子戰太子兵敗
捕斬反者自有賞罰以牛車爲櫓毋接短兵多殺傷
士衆堅閉城門毋令反者得出

勅責楊僕

武帝

將軍之功獨有先破石門尋陜非有斬將搃旗之實
也烏足以驕人哉前破番禺捕降者以爲虜掘死人
以爲獲是一過也建德呂嘉逆罪不容于天下將軍
擁精兵不窮追超然以東越爲援是二過也士卒暴

倒句法

露連歲爲朝會不置酒將軍不念其勤勞而造佞巧請乘傳行塞因用歸家懷銀黃垂三組夸鄉里是三過也失期內顧以道惡爲解失尊尊之序是四過也欲請蜀刀問君賈幾何對曰率數百武庫日出兵而陽不知挾僞干君是五過也受詔不至蘭池宮明日又不對假令將軍之吏問之不對令之不從其罪何如推在心以在外江海之間可以信乎今東越深入將軍能率衆以掩過不

報李廣

武帝

大有生色

天子不尚

虛文

結奇

大關係語

將軍者國之爪牙也。司馬法曰：登車不式，遭喪不服。故怒形則千里誅，威振則萬物伏。夫報忿除害，捐殘去殺，朕之所圖於將軍也。若乃免冠徒跣，稽顙請罪，豈朕之指哉？將軍其率師東轅，彌節白檀，以臨右北平盛秋。

賜嚴助

武帝

制詔會稽太守：君厭承明之廬，勞侍從之事，懷故土，出爲郡吏，會稽東接于海，南近諸越，北枕大江，間者闊焉久不聞問，具以春秋對，母以蘇秦從橫。

賜吾丘壽王

字子贛

武帝

子在朕前之時知略輻輳以爲天下少雙海內寡二及至連十餘城之守任四千石之重職事並廢盜賊從橫甚不稱在前時何也

賜燕王

昭帝

王骨肉至親敵吾一體廼與他姓異族謀害社稷親其所疎疎其所親如使古人有知當何面目復奉齋酎見高祖之廟乎

報張安世

宣帝

切責

帝族霍氏
誅趙蓋韓
楊及待安
世又如此

將軍年老被病。朕甚閔之。雖不能視事。折衝萬里。君
先帝大臣。明於治亂。朕所不及。得數問焉。何感而上
書。歸衛將軍富平侯印。薄朕忘故。非所望也。願將軍
彊飡食。近醫藥。專精神。以輔天年。

賜趙飛燕

成帝

自以親婕妤。異于他人。故不能無言。亦不以深相過
望。前數以言色不平。應對舒遲。爲譴。卒不能自改。婕
妤方見親幸之時。老母在堂。兩弟皆簪金貂。並侍於
側。同列比舍。豈不謂婕妤姊弟尊幸哉。今過蒙譴。獨

謂老親兩弟何。

報匡衡

字稚圭

成帝

君以道德修明。位在三公。先帝委政。遂及朕躬。君遵
修法度。勤勞公家。朕嘉與君同心合意。庶幾有成。今
司隸校尉尊妄詆欺。加非於君。朕甚閔焉。方下有司
問狀。君何疑而上書歸侯乞骸骨。是彰朕之未燭也。
傳不云乎。禮義不愆。何恤人之言。君其察焉。專精神。
近醫藥。彊食自愛。

報張禹

字子文

成帝

可感可慨

朕以幼年執政萬機懼失其中君以道德爲師故委國政君何疑而數乞骸骨忽忘雅素欲避流言朕無聞焉君其固心致思總秉諸事惟以孳孳無違朕意

報元帝

王昭君

臣妾幸得備員禁嬖謂身依日月死有餘芳而失意丹青遠竄異域誠得捐軀報主何敢自憐獨惜國家黜陟移于賤工南望漢關徒增愴結耳有父有弟唯陛下幸少憐之

報諸侄

班婕妤

記言屬見所賜趙婕妤好書以相比先帝被病無悰但鍛鍊後宮貴人書也類多華辭至如成帝則推誠寫實若家人夫婦相與書矣何可比也故略陳其長短令汝曹自評之

奏牋成帝

后無子多引少年與通
后因帝幸詐言有孕

趙皇后

臣妾久備掖庭先承幸御遣肆大號積有歲時近因始生之日復加善視之私特屈乘輿俯臨東掖久侍宴私再承幸御臣妾數月來內宮盈實月脉不流飲食美甘不異常日知聖躬之在體辨天日之入懷虹

初貫日。聽是珍符。龍據妾胸。茲爲佳瑞。更期蕃育。神嗣抱日趨庭。瞻望聖明。踊躍臨賀。

答趙皇后

成帝

因閱來奏。喜慶交集。妊體方初。保綏宜厚。藥有性者。勿舉。食無毒者可親。有懇求上。無煩牋奏。口授宮使。可矣。

與徵臣

魯太后

江都王建與女弟徵臣姦。徵臣爲蓋侯子婦。建數使使至長安迎徵臣。

國中口語籍籍。慎無復至江都。

婉曲

謝江充

戾太子

充嘗從上甘泉逢太子家使乘車馬
行馳道中充以屬吏太子使人謝之
非愛車馬誠不欲令上聞之以教勅
素者幸江君寬之

索友人詩編

鼃錯

日外入芳圃知騎氣南游抱恨而還
所謂南山千萬峯盡是相思情也吟
編久客左右偶欲檢點敢請頒下霜
月更白尚容凌寒往見話前人工拙

與友人

賈誼

大丈夫以凌雲之氣而俯首于書案之間。午夜一燈。晨窓千字。蓋將學爲有用之文。以歌太平。頌中興。否亦策治安。演絲綸耳。豈肯爲此徒作酸文耶。虛辱君命。戲筆橫斜。

與武帝

西王母

向離蓬萊。過弱水。南望扶桑五色。意者中國有聖人。生子翩翩好脩。得無是乎。但太上好生而欲殺。好儉而欲奢。種種幻魔。遲爾遐昇。予將乘彼白雲。以歸三千年後期。爾于少室之陰。

與卜式

西王母

東方生言雖駭俗顧翩翩朗爽令人欲仙九垓八埏之外疑真有羽人也。

從公孫弘借車馬

東方朔

字曼倩

朔當從甘泉願借外廐之後乘木槿夕妃而朝榮者士亦不必長貧也。

與友人

東方朔

不可使塵網名韁拘鎖怡然長笑脫去十洲三島相期拾瑤草吞日月之光華共輕舉耳。

超然物外

勉友人

東方朔

師逃儒入釋。意謂已得個中滋味。今乃溺於教乘何邪。是拋却五車書。又入幾擔經抄裏坐也。苦海無邊。回頭是岸。便請參取祖師來意。

報蜀守臣

司馬相如

皇帝方嚮外治。而某以儒術建師。西遊故鄉。遠近之士。無求多焉。其令守吏以下。負弩前導。旌旄所指。俾山靈增色。母爲題橋生。索笑於關吏也。

與楊王孫

祁侯

王孫苦疾。僕迫從上祠雍。未得詣所。願存精神。省思慮。進醫藥。厚自持。竊聞王孫先令羸葬。令灰者無知則已。若其有知。是戮尸地下。將羸見先人竊爲王孫不取也。

與魏相

字弱翁

丙吉

字少卿

朝廷已深知弱翁治行方且大用矣。願少慎事自重。藏器於身。

與韋玄成

字少翁

丞相史

玄成兄弘爲太常丞。父賢爲扶陽侯。以弘當爲嗣。後坐宗廟事繁。獄賢將薨。門下生博士

與宗家議矯賢令以玄成
爲後玄成卽陽狂以避

古之辭讓必有文義可觀故能垂榮於後今子獨壞
容貌蒙恥辱爲狂癡光曜晦而不宣微哉子之所託
名也僕素愚陋過爲宰相執事願少聞風聲不然恐
子傷高而僕爲小人也

報楊會宗

楊惲字子幼

臣之得罪已三年矣田家作苦歲時伏臘烹羊炮羔
斗酒自勞家本秦也能爲秦聲婦趙女也雅善鼓瑟
奴婢歌者數人酒後耳熱仰天拊缶而呼烏烏其詩

曰田彼南山蕪穢不治種一頃豆落而爲糞人生行樂耳須富貴何時是日也拂衣而喜奮裏低卬頓足起舞誠淫荒無度不知其不可也

與朱邑

字仲卿

張敞

字子高

明主游心太古廣延茂士此誠忠臣竭思之時也直敞遠守劇郡馭於繩墨胸臆約結固亾奇也雖有亦安所施足下以清明之德掌周稷之官猶飢者甘糟糠穰歲餘梁肉何則有亾之勢異也昔陳平雖賢須魏倩而後進韓信雖奇賴蕭公而後信故士各達其

聳動

時之英俊。若必伊尹呂望而後薦之。則此人不因足下而進矣。

答朱登遺蟹醬

張敞

蘧伯玉受孔子之賜。必以及其鄉人。敞謹分斯貺于三老尊行者。曷敢獨享之。

與某公

張敞

夫蒼龍非不神。不能白日升天。飄風雖疾。不以霖雨不能揚塵。故蒼蠅之飛。不過十步。自托騏驥之旄。乃騰千里之路。然無損於騏驥。得使蒼蠅絕羣也。

諭嚴延年字次卿

張敞

仁者之言

昔韓盧之取菟也。上觀下獲。不甚多殺。願次卿少緩誅罰。思行此術。

報張敞

嚴延年

凜然

河南天下咽喉。二周餘燠。莠盛苗穢。何可不鋤也。

下安定教

王尊

令長丞尉奉法守城。爲民父母。抑強扶弱。宣恩廣澤。甚勞苦矣。太守以今日至府。願諸君卿勉力正身。以率下。故行貪鄙。能變更者。與爲治。毋以身試法。

與高陵令楊湛

薛宣字贛君

宣歷臨淮陳留太守入爲左馮翊高陵令楊湛貪猾不遜持郡短長及宣視事陰求其罪臧具得所受察湛有改節敬宣之意廼手自牒書條其奸臧封與湛湛卽時解印綬爲記謝宣終無怨言

規切有情

吏民條言君如牒或議以爲疑於主守盜馮翊敬重令又念十金法重不忍相暴章故密以手書相曉欲君自圖進退可復伸眉於後卽無其事復封還記得爲君分明之

下賊曹掾張扶教

薛宣

情景在目

宣爲左馮翊及日至休吏
賊曹掾張扶獨不肯休

日至吏以令休所繇來久曹雖有公職事家亦望私
恩意掾宜從衆歸對妻子設酒肴請鄉里一笑相樂
斯亦可矣

與平陽侯王譚

字子元

谷永

字子雲

君侯躬周召之德執管晏之操敬賢下士樂善不倦
宐在上將久矣以大將軍在故抑鬱于家不得舒憤
今大將軍不幸蚤薨繫親疏序才能宐在君侯拜吏
之日京師士大夫悵然失望屬聞以特進領城門兵

愚竊不爲君侯喜。宜深辭職。自陳淺薄。不足以固城門之守。收太伯之議。保謙謙之路。闔門高枕。爲知者首。願君侯與博覽者參之。小子爲君侯安此。

與段會宗

字子松

谷永

足下以柔遠之令德。復典都護之重職。甚休甚休。若子之材。可優游都城。而取卿相。何必勒功昆山之仄。願吾子因循舊貫。毋求奇功。終更亟還。亦足以復雁門之跡。萬里之外。以身爲本。願詳思愚言。

荅桓譚

字君山

楊雄

字子雲

確言

長卿賦不似從人間來其神化所至耶大諦能讀千賦則能爲之諺云伏習衆神巧者不過習者之門

荅劉歆

楊雄

天下上計孝廉及內郡衛率會者雄常把三寸弱翰齎油素四尺以問其異語歸卽以鉛槧次之于槧二十七歲于今矣

奏記王邑

范升
字辨卿

方春歲首而動發遠役藜藿不充田荒不耕穀價騰躍斛至數千吏人陷放湯火之中非國家之人也如

此則胡貊守關青徐之寇在於帷帳矣升有一言可
以解天下倒懸免元元之急不可書傳願蒙引見極
陳所懷。

尺牘雋言卷之二

尺牘雋言卷之三

閩莆陳臣忠景周甫輯 吳興閔邁德日斯甫校

後漢

報隗囂

字季孟

光武

慕樂德義思相結納。隔于盜賊。聲問不數。將軍執操。欸欸扶傾。救危南距。公孫之兵。北禦羌胡之亂。是以馮異西征。得以數千百人。躑躅三輔。徵將軍之助。則咸陽已爲它人禽矣。今關東寇賊。往往屯聚。志務廣遠。多所不暇。未能觀兵成都。與子陽角力。如令子陽

觀破

披誠語

寬他一着

是擒王手

到漢中三輔願因將軍兵馬鼓旗相當倘肯如言蒙天之福卽智士計功割地之秋也管仲曰生我者父母成我者鮑子自今以後手書相聞勿用傍人解構之言

與公孫述

字子陽

光武

君非吾賊臣亂子倉卒時人皆欲爲君事耳何足數也君日月已逝妻子弱小當早爲定計可以無憂天下神器不可力爭宜留三思

詔諭公孫述

述嘗使刺客殺漢將來歙岑彭

光武

往來詔書比下開示恩信勿以來歛岑彭受害自疑
今以時自詣則家族完全若迷惑不喻委肉虎口痛
哉柰何將帥疲倦吏士思歸不樂久相屯守詔書手
記不可數得朕不食言

賜竇融璽書

字周公

光武

長史所奉書獻馬悉至深知厚意今益州有公孫子
陽天水有隗將軍方蜀漢相攻權在將軍舉足左右
便有輕重以此言之欲相厚豈有量哉王者迭興千
載一會欲遂立桓文輔微國當勉卒功業欲三分鼎

持其心腹

足連衡合從亦宜以時定天下未并吾與爾絕域非相吞之國今之議者必有任囂教尉他制七郡之計王者有分土無分民自適已事而已

報竇融

光武

從天水來者寫將軍所讓隗囂書痛入骨髓畔臣見之當股慄慚愧忠臣則酸鼻流涕義士則曠若發矇囂自知失河西之助族禍將及欲設間離之說亂惑真心轉相解構以成其姦又京師百寮不曉國家及將軍本意多能採取虛僞誇誕妄談令忠孝失望傳

言乖實毀譽之來皆不徒然不可不思今關中盜賊已定大兵今當悉西將軍其抗厲威武以應期會

又

吾與將軍如左右手耳數執謙退何不曉人意勉循士民無擅離部曲

徵鄧禹還勅

字仲華

光武

勒兵堅守慎無與窮寇交鋒老賊疲弊必當束手事吾也以飽待饑以逸擊勞折衝而笞之耳

勞馮異璽書

字公孫

光武

料敵必見

頤眉

令人競勸

赤眉破平。士吏勞苦。始雖垂翅回谿。終能奮翼黽池。可謂失之東隅。收之桑榆。方論功賞。以荅大勲。

勅岑彭

字君然

光武

兩城若下。便可將兵南擊蜀虜。人苦不知足。既平隴。復望蜀。每一發兵。頭鬚爲白。

讓劉尚

光武

城降三日。吏人從服。孩兒老母。口以數萬。一旦放兵。縱火。聞之。可爲酸鼻。尚宗室子孫。嘗更吏職。何忍行此。仰視天。俯視地。觀放麕。啜羹。二者孰仁。良失斬將。

具言諄然

弔人之義也

賜賈復

光武

滹沱之役。到今猶有戒心。千鈞之弩。機不輕發。將軍可無快乎一擊。

勞蓋延

字巨卿

光武

龐萌一夜反畔。相去不遠。營壁不堅。殆令人齒欲相擊。而將軍有不可動之節。吾甚美之。

詔諸將

光武

吾嘗於衆人中言。萌可爲社稷臣。將軍等得無笑吾

言老賊當族其勵兵馬會睢陽。

報朱浮

字元叔

光武

時彭寵攻浮浮上疏詔報之
寵果爲蒼頭子密等所殺

往年赤眉跋扈長安。吾策其無穀必東。果來歸降。今
度此反虜勢無久全。其中必有內相斬者。今軍資未
充。故須候麥耳。

報耿純

字伯山

純封高陽侯。上書自陳前在東郡案誅琢郡
太守朱英親屬。今國屬琢誠不自安。制書報
之。乃更討
爲東光侯

體志

何等情意

侯前奉公行法。朱英久吏曉知義理。何時當以公事相是非。然受堯舜之罰者。不能愛已也。已更擇國土。令侯無介然之憂。

賜侯將軍

光武

卿歸田里。曷不令妻子從將軍。老矣夜卧誰爲搔背痒也。

賜王常

光武

王廷尉良苦。每念往時共更艱厄。何日忘之。莫往莫來。豈違平生之言乎。

婉切有致

與嚴子陵

光武

古大有爲之君。必有不名之臣。朕何敢臣子陵哉。惟此鴻業。若涉春冰。辟之瘡痍。須杖而行。若騎里不少。高皇柰何子陵少朕也。箕山潁水之風。非朕之所敢望。

與江南守臣

光武

昔許由高箕潁之節。惟彼陶唐。無相知之素耳。子陵朕故人也。宜不恡一見。其令所在官司物色之。以悉朕意。

報鍾離意

字子阿時夏旱帝起北宮意詣闕免冠上疏

明帝

比上天降旱密雲數會朕戚然慚懼思獲嘉應故分
布禱請闕候風雲北祈明堂南設雩場今又勅大匠
止作諸宮減省不急庶消災譴

手詔東平憲王蒼

光武子

明帝

辭別之後獨坐不樂因就車歸伏軾而吟瞻望永懷
實勞我心誦及采菽以增歎息

賜東平王蒼

章帝

諸王來朝大鴻臚奏遣歸國
帝特留蒼後復奏遣帝許之

真切

骨肉天性。誠不以遠近爲親疎。然數見顏色。情重。昔時念王久勞。思得還休。欲署大鴻臚。奏不忍下筆。顧授小黃門。中心戀戀。惻然不能言。

勅侍御史司空

章帝

方春所過。無得有所伐殺。車可以引避。引避之。駢馬可輟解。輟解之。

報請封外戚詔

明德馬皇后

章帝欲封爵諸舅。太后不聽。明年夏旱。言事者以爲不封外戚之故。有司因此上奏。宜依舊典。太后詔報。

得體

吾前過濯龍門見外家問起居車如流水馬如游龍亦不譴怒但絕其歲用冀以默止謹耳

又報章帝

馬皇后

夫至孝之行安親爲上今數遭變異穀價數倍憂惶晝夜不安坐卧而欲先營外封違慈母之拳拳乎吾素剛急有匈中氣不可不順也若陰陽調和邊境清靜然後行子之志吾但當含飴弄孫不能復關政矣

賜周馥貴人策

和熹鄧后

朕與貴人託配後庭共歡等列十有餘年不獲福佑

先帝蚤棄天下。孤心斃斃靡所瞻仰。夙夜永懷。感愴發中。今當以舊典。分歸後園。慘結增歎。燕燕之詩。曷能喻焉。

與咎上人

楚太子倬

聞聖僧真諦。翻意浮提。真苦海耳。便須裹足。作佛家奴。一證慈航。登彼岸。安能俛頰。作地獄種子也。

辭謝隗囂

方望

范蠡收績於姑蘇。狐犯謝罪於始入。夫以二子之勤。從君二十餘年。蠡苞七術之機。犯爲舅氏之親。然至

際會猶釋罪削跡請命乞身蓋亦宜也望聞烏氏有
龍池之山微徑南通與漢相連其旁有奇人聊及閒
暇廣求其真願將軍勉之

與隗囂將牛邯

字孺卿

王遵

字子春

遵初從囂舉兵既而歸漢拜大中大夫封向義侯光武率諸將西征遵知囂必敗滅而與其將牛邯有舊以書喻之邯得書乃謝士衆歸命雒陽

遵與隗王軟血爲漢經歷虎口踐履死地已十數年
矣王之將吏羣居穴處之徒人人抵掌欲爲不善之
計遵與孺卿日夜所爭害幾及身所以吟嘯捩腕垂

可愧

涕登車幸蒙拜封得延議論每及西州之事未嘗敢
忘孺卿之言今車駕大衆已在道路吳耿驍將雲集
四境孺卿當成敗之際遇嚴兵之鋒可爲怖慄空斷
之心胸參之有識

上隗囂

申屠剛

字巨卿

璽書數到欲與將軍共同吉凶布衣相與尚有沒身
不負然諾之信况萬乘哉今何畏何利久疑如是卒
有非常之變上滅忠孝下愧當世誠願反覆愚老之
言

卓見

與官屬

馬援

字文淵

吾從弟少游。常哀吾慷慨多大志。曰。士生一世。但取衣食裁足。乘下澤車。御款段馬。爲羣椽吏守墓墳鄉里稱善人。斯可矣。致求贏餘。但自苦耳。當吾在浪泊西里間。虜未滅之時。下潦上霧。毒氣薰蒸。仰觀飛鳶。跼跼墜水中。卧念少游平生時語。何可得也。

謝光武

嚴子陵

游魚思淵。麋鹿走壙。被文繡而中犧牲之用。生而曳尾塗中。使陵得歸於富春足矣。熙載之烈。非所敢望。

也。

與兄耿弇

字伯昭

耿舒

前到臨鄉。賊無故自致。若夜擊之。可殄。伏波類西域賈胡。到一處輒止。以是失利。

與陰就

馮衍

字敬通

伏見君侯忠孝之性。慈仁殷勤。論議周密。思慮深遠。顧以微賤。數蒙聖恩。被侯大惠。衍年老被病。恐一旦無祿。命先犬馬。懷抱不報。齎恨入冥。思剖肝膽。有以塞責。側聞東平山陽王壯當之國。擇除官屬。衍不自

量願侯白以衍備門衛。鄙語曰：水不激不能破舟，矢不激不能飲羽。不念舊惡，名賢所高；負責之臣，欲言不敢。惟侯哀憐，深留聖心，則闔棺之日，魂復何恨。

與婦弟任武達

馮衍

衍娶北地女任氏，悍忌，不得畜媵妾兒女，常自操井臼。衍與婦弟武達書後，竟逐之。

年衰歲暮，恨入黃泉。遭遇嫉妬，家道崩壞，亂匪降天。生自婦人，青蠅之心，不重破國；嫉妬之情，不憚喪身。牝雞之晨，維家之索；古之太患，今始於衍。數奇命薄，端相逢遭。自恨以華盛時，不蚤自定。至於垂白，家貧

可憐

身賤之日。養癰長疽。自生禍殃。

與戊巳校尉

竇憲字伯度

匈奴沐漢高威德久矣。間者復不靖闕焉。問討則當事者之過也。幸以椒房親視事以來。夙夜戒備。得專征伐。諸所賞否。有明天子三尺法在。終不敢干以私。二三大夫其尚明伍仗以俟。

與竇憲牋

班固字孟堅

將軍哀憐。賜以玉躬所喜駭犀玳瑁簪絳單衣。以魯縞之質。被服鸞鳳之彩飾。

針砭

識治體

荅任尚

班超字仲升

超爲西域都護徵還以戊巳校尉任尚代尚與超書求誨超荅之

塞外吏士本非孝子順孫皆以過補屯部蠻夷獸心難養易動今君性嚴急水清無大魚將軍宜寬小過總大綱而已

移記屬縣

宋均字叔庠

夫虎豹在山黿鼉在水各有所託且江淮之有猛獸猶北土之有雞豚也今爲民害咎在殘吏而勞勤張捕非憂恤之本也其務退姦貪思進忠善可一去檻

探本之論

寘除削課制

移屬縣

法雄字文彊

虎狼之在山林。猶人之居城市。古者至化之世。猛獸不擾。皆由恩信寬澤。仁及飛走。太守雖不德。敢忘斯言。記到其毀壞檻寘。不得妄捕山林。

奏記梁商

李固

王龔爲太尉。深疾宦官專權。乃上書極言其狀。請加放斥。諸黃門各使賓客。誣奏龔罪。固奏記商言之於帝。事乃得釋。

王公束修厲節。敦樂執文。不求苟得。不爲苟行。但以

辭嚴誼正

堅貞之操。違俗失衆。橫爲讒佞所構毀。衆人聞知。莫不歎慄。夫三公尊重。承天象極。未有詣理訴冤之義。纖微感槩。輒引分決。是以舊典。不有大罪。不至重問。王公沈靜內明。不可加以非理。卒有它變。則朝廷獲害賢之名。羣臣無救護之節矣。今將軍內倚至尊。外典國柄。言重信著。指撝無違。宜加表救。濟王公之艱難。語曰。善人在患。飢不及食。斯其時也。

與黃瓊

時公卿薦瓊詔下縣以禮慰遣

李固

語曰。嶢嶢者易缺。皦皦者易汙。陽春之曲。和者必寡。

良規

盛名之下。其實難副。頃徵聘之士。胡元安薛孟嘗朱仲昭顧季鴻等。其功業皆無所採。是故俗論皆言處士純盜虛聲。願先王弘此遠謨。令衆人嘆服。一雪此言耳。

與楊太僕

梁冀

間者得請列侯。以暨卿士校尉。俱不受門徑。蕭然幅巾私第。會當挈携妻子。種果芋山中。歲賦秫米二三。百釜落而爲漿。陶陶沈飲。此外不議人間事矣。

勸葛龔

字元甫

竇章

字伯向

過矯仲彥論昇仙之道。從蘇博文談超世之高。遶馬
季常講墳典之妙。所謂喬松可與馳騫。何細疾之足
患耶。龔荅云。見斯衆賢
足以忘疾釋愁。

遺矯慎

字仲彥

吳蒼

仲彥足下。勤處隱約。雖乘雲行泥。棲宿不同。每有西
風。何嘗不嘆。蓋聞黃老之言。棄虛入冥。藏身遠遯。亦
有理國養人。施於爲政。至如登山絕跡。神不著其證。
人不覩其驗。吾欲先生從其可者。於意何如。昔伊尹
不懷道以待堯舜之君。方今明明四海。開闢巢許。無

婉
諷

爲箕山夷齊悔入首陽足下審能騎龍弄鳳翔嬉雲
間者亦非狐兔燕雀所敢謀也

與謝伯世

馬融
字季長

頃憤憤愁思猶不解懷思在竹間放狗逐麋晚秋涉
冬大蒼出籠黃棘下菟苒以乾葵以送餘日茲樂而
已

遺馬融

高彪
字義方

承服風問從來有年故不待介者而謁太君子之門
冀一見龍光以敘腹心之願不圖遭疾幽閉莫啓昔

周公旦父文兄武。九命作伯。以尹華夏。猶揮沐吐餐。垂接白屋。故周道以隆。天下歸德。公今養疴傲士。故其宜也。

謝趙壹

字元叔

皇甫規

字威明

蹉跌不面。企德懷風。虚心委質。爲日久矣。側聞仁者。愍其區區。冀承清誨。以釋遙悚。今旦外白。有一尉兩計吏。不道屈尊門下。更啓乃知已去。如印綬可投。夜豈待旦。惟君明叡。平其夙心。寧當慢傲。加於所天。事在悖惑。不足具責。倘可原察。追修前好。則何福如之。

何等惶悚

謹遣主簿奉書。下筆氣結。汗流竟趾。

報皇甫規

趙壹

仰高希驥。歷年滋多。旂轅兼道。渴於言侍。沐浴晨興。昧旦守門。實望仁兄。昭其懸遲。握髮垂接。豈悟君子。自生怠倦。是以夙退。自引畏使君勞。昔人或歷說而不遇。或思仕而無從。皆歸之於天。不尤於物。今壹自譴而已。豈敢有猜。遠辱手筆。追路相尋。壹之區區。曷云量已。但關節疚動。膝灸壞潰。請俟他日。乃奉其情。輒誦來貺。永以自慰。

與友

趙岐

字邠卿

馬季長雖有名當世而不持士節三輔高士未曾以衣裾撇其門也

奏記司隸校尉段熲

張奐

字然明

奐前爲度遼將軍與熲爭擊羌不一及熲爲司隸欲逐奐將害之奐懼奏記謝熲

小人不明得過州將千里委命以情相歸足下仁篤照其辛苦使人未反復獲郵書恩照分明前以寫白而州期切促郡縣惶懼屏營延企側待歸命父母朽骨孤魂相託若蒙矜憐壹思咳唾則澤流黃泉施及

悲切

冥冥非負生。死所能報塞。夫無毫髮之勞。而欲求上人丘山之用。此淳于髡所以拍髀仰天而笑者也。誠知言必見譏。然猶未能無望。何者。朽骨無益於人。而文王葬之。死馬無所復用。而燕昭寶之。儻同文昭之德。豈不大哉。凡人之情。冤則呼天。窮則叩心。今呼天不聞。叩心無益。誠自傷痛。俱生聖世。獨爲匪人。孤微之人。無所告訴。如不哀憐。便爲魚肉。企心東望。無所復言。

與陰氏

張奐

篤念既密。文章燦爛。名實相副。奉讀周旋。紙弊墨渝。不離于手。

與崔子真

名實

張奐

僕到任有見兵二百馬如羖羊。矛如鐵錐。楯如榆葉。

與黃叔度

楊震

字伯起

某與兄蟄處甕牖久矣。一聲霹靂。春夜發祥。而棕履適至。其與我共驚人之鳴乎。

與黃瓊

郭泰

字林宗

某以貧故。食無魚。以旱故。羹無蔬。日煮澗泉。飲脫粟。

情致委婉

耳。海物惟錯。半含蒼潮。所謂眼中頓有兩主人也。

回杜喬

郭泰

雪霰交下。淒風冰人。詩肩如山。毛髮爲裂。無能應知已之招也。亮之。

與陳蕃

字仲舉

徐穉

三。某與執事爲同登而生。又同甲。簷花細雨。豈不願承。一夕教淒其旅思。孤帆欲遂東矣。意氣相與。母枉再。

與尹上人

李膺

字元禮

解脫

塵中多事。竟不能抽身到書邊上。方鎖白雲。妄意暫假爲觀書地。儻蒙慨許。參考之次。或掩卷行吟。亦可共話孔墨相爲用處。

臨沒遺令

酈炎

炎荷天之罪。以致於歿。名沒身弊。神而有知。炎之歸覲。在旦夕之間耳。若其無知。將何面目少見靈魂哉。其卽自安。其自愛。臣去矣。

與劉寵

陳蕃

日外郊行。見有盤踞草中。疑爲怪物。徐而視之。則暗

生意

香一根移植檻間。奇心可狀。柰無園可栽。敢持爲齋。閣獻君。雖榮貴。必不賤。我枯朽也。

貽李膺

荀爽

字慈收

膺遭黨事下獄赦歸田里天下士大夫皆高尚其道。爽恐其名高致禍。爲書以貽之。

久廢過庭。不聞善誘。陟岵瞻望。惟日爲歲。知以直道。不容於時。悅山樂水。家於陽城。道近路夷。當卽聘問。無狀嬰疾。闕於所仰。方今天地氣閉。大人休否。智者見險。投以遠害。雖匱人望。內合私願。想甚欣然。不爲恨也。願怡神無事。偃息衡門。任其飛沈。與時抑揚。

與申屠蟠

字子龍

黃忠

大將軍幕府初開。徵辟海內。並延英俊。雖有高名盛德。不獲異遇。至如先生。特加殊禮。引領東望。日夜以冀。彌秋歷冬。經邁二載。深拒以疾。無惠然之顧。重令爰中。郎昭暢殷勤。至於再三。而先生抗志彌高。所執益固。將軍於是憮然失望。而有愧色。自以德薄。深用咎悔。竊論昔人之隱。雖遭其時。猶放聲絕跡。巢栖茹薇。其不遇也。則裸身大咲。被髮狂歌。今先生處平壤。游人間。吟典籍。襲衣裳。行與昔人謬。而欲蹈其跡。擬

見理之言

其事不亦難乎。僕願先生優游俯仰。貴處可否之間。孔氏可師。何必首陽。備托臭味。庶同休戚。是假飛書以喻左右。

徙朔方上書

蔡邕

字伯喈

既到徙所。乘塞守烽。職在望候。憂怖焦灼。無心復能操筆成草。致章闕庭。

辭郡辟

蔡邕

申屠蟠稟氣玄妙。性敏心通。喪親盡禮。幾于毀滅。至行美誼。人所鮮能。安貧樂潛。味道守真。不爲燥濕輕。

先革典刑

重方之干邕以齒則長以德則賢

誡子

鄭玄

字康成

入此歲來已七十矣宿業衰落仍有失悞案之禮典
便合傳家今我告爾以老將閑居以安性覃思以終
業非拜國君之命問族親之憂展敬墳墓觀省野物
胡常扶杖出門乎家事大小汝一承之順威儀以近
有德顯譽成於寮友德行立於已志若致聲稱有榮
於所生耳

與韋甫休

名端

孔融

字文舉

前別意恨甚多不悉。辛從事至承獲所訊喜而起居
不恙而到也。間僻疾動不得復與足下。听幘廣坐舉
杯相挖以爲邑邑。

又

孔融

前日元將

名康

來亮茂弘毅偉世之器也。昨日仲將

名誕

又來。貞實文敏保家之主也不意雙珠近出老蚌甚
珍貴之。

與張紘

孔融

前勞手筆多篆書每舉篇見字欣然獨笑如復覩其

人也。

喻邴原

字根矩

孔融

王室多難。西遷鎬京。聖朝勞謙。疇咨雋乂。我徂求定。策命懇惻。國之將隕。嫠不恤緯。家之將亾。緹縈跋涉。彼匹婦也。猶執此義。實望根矩。仁爲己任。授手援溺。振民於難。乃或晏晏居息。莫我肯顧。謂之君子。固如此乎。根矩。根矩。可以來矣。

與王朗

字景興

孔融

前見章表。知尋湯武罪已之跡。自投東裔。同鯀之罰。

覽省未周涕隕潸然主上寬仁貴德宥過曹公輔政
思賢並立策書屢下殷勤款至知棹舟浮海息駕廣
陵不意黃熊突出羽淵也談笑有期勉行自愛

與諸卿

孔融

鄭康成多臆說人見其名學謂有所出也證案大較
要在五經四部書如非此文近爲佞矣若子所執以
爲郊天鼓必當麒麟之皮也寫孝經本當曾子家策
乎

自是名言

下高密令

孔融

二語悚然

昔東海于公僅一節。猶戒鄉人侈其門閭。矧乃鄭公之德。而無駟馬之路乎。可廣開門衢。令容高車。

與高密令

孔融

志士鄧子然告困。焉得愛釜庾之間。以傷烈士之心。與豆三斛。後乏復言。

與董卓

蓋勲字元固

昔伊尹霍光權以立功。猶可寒心。足下小醜。何以終此。終此漢紀作堪之賀者在門。弔者在廬。可不慎哉。

與孔北海

袁紹字本初

漢家無甚失道。徒以太阿倒握。政付刑餘。黨錮諸賢。
毒流海內。識者爲之寒心。某世登元宰。得專征柄。目
愴神京。髮豎皆裂。不自度德量力。欲提孤旅之師。掃
清宮轡。比死者一灑之。凡我同盟。幸戒期母自失。

與公孫瓚

袁紹

比得足下書。辭義婉約。有改往修來之言。僕旣欣於
舊好。克復且愍兆民之不寧。每輒引師南駕。以順簡
書。弗盈一時。而北邊羽檄之文。未嘗不至。孤自用痛
心疾首。靡所錯情。夫處三軍之師。當列將之任。宜令

恕如嚴霜喜如時雨。減否好惡坦然可觀。而足下二三其德。疆場異謀。急則曲躬。緩則放逸。行無定端。言無質要。爲壯士者。固若此乎。

荅曹操

呂布

字奉先

布獲罪之人。分爲誅首。手命慰勞。厚見褒獎。重見購捕。袁術等詔書布當以命爲効。

報陳琳

字孔璋

臧洪

字子源

隔闊相思。發于寤寐。幸相去步武之間耳。而以趣舍異規。不得相見。其爲愴恨。可爲心哉。

與弟圖書

李固

固今年五十有七。鬢髮已白。所謂容身而游。滿腹而去。周觀天下。獨未見益州耳。昔嚴夫子嘗言。經有五涉。其四州有九遊。其八欲類此子乎。

此非李太尉也。太尉益州人。

荅秦嘉

字士會

徐淑

想嚴裝已辦。發邁在近。誰謂宋遠。企予望之。室邇人遐。我勞如何。深谷逶迤。而君是涉。高山巉巖。而君是越。斯亦難矣。長路悠悠。而君是踐。冰霜慘冽。而君是履。身非形影。何得動而輒俱。體非比目。何得同而不

雋逸有風
人之致

悽惋
名言

離。于是詠萱草之喻。以消兩家之思。割今者之恨。以待將來之歡。今適樂土。優游京邑。觀王都之壯麗。察天下之珍妙。得無目玩意移。往而不能出耶。

別夫

玄妻公主妻
悲怨寄書

竇玄妻

玄字
叔高

棄妾斥女。敬白竇生。卑賤鄙陋。不如貴人。妾日以遠。彼日以親。何所控訴。仰呼蒼旻。悲哉竇生。衣不馱新。人不馱故。悲不可忍。怨不可去。彼獨何人。而居斯處。







